



Datum, 13.01.2025.godine

Na osnovu čl. 38. Statuta KJKP "Toplane-Sarajevo" d.o.o Sarajevo, Uredbe o postupku prijema u radni odnos u javnom sektoru na teritoriji Kantona Sarajevo (Službene novine Kantona Sarajevo br. 19/2021, 10/2022, 28/2023 i 32/24), Procedure za prijem radnika u radni odnos broj: OUP-7-2-01-02-03, Odluke Vlade Kantona Sarajevo o davanju saglasnosti KJKP "Toplane-Sarajevo" d.o.o. Sarajevo za prijem u radni odnos na neodređeno vrijeme broj: 02-04-27491-20/24 od 09.05.2024.godine, Odluke Vlade Kantona Sarajevo o davanju saglasnosti KJKP "Toplane-Sarajevo" d.o.o. Sarajevo za prijem u radni odnos na neodređeno vrijeme broj: 02-04-52554-22/24 od 05.12.2024.godine i Odluke Uprave od 03-03-01-66/25 od 10.01.2025.godine, Direktor Preduzeća raspisuje

JAVNI OGLAS
za prijem radnika u radni odnos na neodređeno vrijeme
uz obavezni probni rad

Za sljedeća radna mjesta:

Služba prodaje i naplate

- | | |
|----------------------------------|-------------|
| 1. Stručni saradnik naplate | 1 izvršilac |
| 2. Stručni saradnik mjerenja | 1 izvršilac |
| 3. Referent za poslovne prostore | 1 izvršilac |
| 4. Referent/blagajnik | 1 izvršilac |
| 5. Referent/blagajnik | 1 izvršilac |
| 6. Referent/blagajnik | 1 izvršilac |
| 7. Tehničar mjerenja I | 1 izvršilac |

Služba pravnih i općih poslova

- | | |
|-----------------------------|-------------|
| 8. Referent pravnih poslova | 1 izvršilac |
|-----------------------------|-------------|

Služba integrisanog menadžment sistema (IMS)

- | | |
|-----------|-------------|
| 9. Portir | 1 izvršilac |
|-----------|-------------|

Služba servisa

- | | |
|----------------|-------------|
| 10. Monter III | 1 izvršilac |
|----------------|-------------|

Pored općih uslova propisanih Zakonom :

- da kandidat ima 18 godina života,
- da je državljanin Bosne i Hercegovine i
- da ima opću zdravstvenu sposobnost,

kandidat mora ispunjavati i posebne uslove za radna mjesta prema opisu poslova kako slijedi:

1. Stručni saradnik naplate**Završena škola:** VSS (240 ETCS) ekonomski/pravni fakultet**Posebna znanja/uslovi:** Poznavanje engleskog jezika ; Znanje MS Office paketa**Radno iskustvo:** 1 godina radnog iskustva u struci

Opis posla: ima status Izvršioca u zbirci ličnih podataka (Evidencija korisnika centralnog grijanja i ostalih usluga); priprema prijedloge rješenja po zahtjevima korisnika u saradnji sa Voditeljem odjela; priprema dokumentaciju za provođenje kompenzacija, cesija i asignacija; priprema odgovore korisnicima usluge u saradnji sa Voditeljem odjela; komunicira sa nadležnim organima s ciljem naplate potraživanja; komunicira sa zaštitarskom agencijom u skladu sa ugovorom; komunicira sa bankama, radi obezbjeđenja potrebnih apoena; kontaktira korisnike u cilju naplate potraživanja putem telefona, e-maila, dopisa/opomena; prati poštivanje zaključenih ugovora o izmirenju dospjelog duga i evidentiranje u bazi podataka; vrši upoređivanje prikupljenih podataka na osnovu telefonskih poziva, sa podacima u bazi; učestvuje u popisu gotovog novca prema mjesečnom planu popisa naplatnih mjesta; učestvuje u popisu gotovog novca prema mjesečnom planu popisa naplatnih mjesta; sačinjava izvještaje o poduzetim aktivnostima za kategorije korisnika usluge centralnog grijanja i dostavlja Voditelju odjela; učestvuje u pripremi izvještaja o aktivnostima poduzetim u cilju naplate potraživanja; prima korisnike, obavlja razgovore i daje prijedloge za postupanje u cilju naplate potraživanja.

Mjesto rada: Sarajevo, Džemala Bijedića do br. 72

Radno vrijeme: 7³⁰ - 16⁰⁰

Osnovna plaća: 1.943,61 KM

Probni rad: 6 mjeseci

2. Stručni saradnik mjerenja

Završena škola: VSS (240 ETCS) mašinski fakultet smjer energetika, klimatizacija, grijanje i hlađenje

Posebna znanja/uslovi: Poznavanje engleskog jezika; Znanje MS Office paketa; Poznavanje rada u AutoCAD-u;

Vozački ispit B kategorije

Radno iskustvo: 1 godina radnog iskustva

Opis posla: vrši ažuriranje baze mjernih podataka; vrši očitavanje, prenos, obradu i kontrolu očitane potrošnje sa mjerila (po potrebi); vrši kontrolu očitane potrošnje u bazi mjernih podataka, analizira eventualna odstupanja u evidentiranoj potrošnji (u odnosu na prethodne periode) i inicira eventualne provjere mjerila na terenu; učestvuje u procesu izgradnje individualnog i zajedničkog mjernog mjesta za korisnike usluge; vrši uviđaj za izgradnju, definiše tehnička rješenja i izrađuje projekat, vrši nadzor na izgradnjom, izrađuje zapisnik o puštanju, evidentira certifikat za serijski broj mjerila; priprema odgovore na zahtjev korisnika usluge; sačinjava Zapisnik o stanju mjerila na kraju tople probe za objekte koji se priključuju na toplifikacioni sistem; prati stanje mjerila i rezervnih dijelova za mjerila u skladištu; vrši kontrolu ispravnosti mjernih mjesta (po potrebi); daje inicijativu za razvoj baze mjernih podataka i sistema mjerenja; stručno se usavršava kroz edukacije, seminare i simpozije; ima status Izvršioca u zbirci ličnih podataka (Evidencija korisnika centralnog grijanja i ostalih usluga)

Mjesto rada: Sarajevo, Džemala Bijedića do br. 72

Radno vrijeme: 7³⁰ - 16⁰⁰

Osnovna plaća: 1.943,61 KM

Probni rad: 6 mjeseci

3. Referent za poslovne prostor

Završena škola: SSS – IV stepen

Posebna znanja/uslovi: Znanje MS Office paketa, Položen vozački ispit B kategorije

Radno iskustvo: 1 godina radnog iskustva na istim ili sličnim poslovima

Opis posla: vrši provjere korisnika usluge na terenu; vrši zajednički uviđaj sa zaposlenicima drugih Odjela Službe (po nalogu neposrednog Rukovodioca) i/ili drugih Sektora/Službi; ima status Administratora u zbirci ličnih podataka (Evidencija korisnika centralnog grijanja i ostalih usluga); učestvuje u aktivnostima vezanim za ažuriranje baze podataka mjerila na sistemu, pridruženih korisniku usluge i zajedničkom mjernom mjestu, a radi verifikacije mjernih mjesta; priprema prijedloge ugovora o isporuci toplotne energije za korisnike poslovnih prostora i kontaktira korisnika za potpis; vodi i ažurira arhivu zaključenih ugovora za poslovne prostore; štampa prepise računa za usluge centralnog grijanja; komunicira sa ovlaštenim Upravinicima i drugim nadležnim organima, te sa predstavnicima Investitora, s ciljem potvrde podataka o korisnicima usluge

Mjesto rada: Sarajevo, Džemala Bijedića do br. 72

Radno vrijeme: 7³⁰ - 16⁰⁰

Osnovna plaća: 1.437,26 KM

Probni rad: 3 mjeseca

4., 5. i 6. Referent/ blagajnik

Završena škola: SSS - IV stepen

Posebna znanja/uslovi: Znanje MS Office paketa

Radno iskustvo: 1 godina radnog iskustva na istim ili sličnim poslovima

Opis posla: ima status Izvršioca u zbirci ličnih podataka (Evidencija korisnika centralnog grijanja i ostalih usluga); obavlja razgovor sa korisnicima usluge na šalteru u CZK, te daje potrebne informacije i obavještenja; vrši uvid u prateću dokumentaciju; priprema podneske po zahtjevu korisnika i prosljeđuje u skladu sa procedurama; vrši prijem i obradu uplata u bazi (za usluge centralnog grijanja, sudsku taksu i zatezne kamate); vrši prijem i obradu ostalih usluga, u skladu sa Cjenovnikom usluga Preduzeća; kompletira i predaje novac i dokumentaciju, u skladu sa INS/SFR/01; obrađuje podatke o korisnicima u modulu Ugovora o korištenju toplotne energije za korisnike/vlasnike stambenih prostora; priprema potvrde o dugu korisnika usluge i druge potvrde po zahtjevu korisnika

Mjesto rada: Sarajevo - Semira Frašte br. 22, Džemala Bijedića do br. 72, Alipašina bb, Envera Šehovića br. 14 i Dobrinjske bolnice br. 15

Radno vrijeme: 7³⁰ - 16⁰⁰, a za radnike koji u toku mjeseca imaju radnu subotu, sedmično radno vrijeme raspoređeno je na šest radnih dana, od ponedjeljka do četvrtka počinje u 07,30 sati, a završava u 15,00 sati, petkom počinje u 07,30 sati, a završava u 14,00 sati, dok subotom rad počinje u 08,00 sati, a završava u 14,00 sati.

Osnovna plaća: 1.359,36 KM

Probni rad: 3 mjeseca

7. Tehničar mjerenja I

Završena škola: SSS – IV stepen elektro ili mašinskog smjera

Posebna znanja/uslovi: Poznavanje engleskog jezika, Znanje MS Office paketa, Poznavanje rada u AutoCAD-u, Vozački ispit B kategorije

Radno iskustvo: 1 godina radnog iskustva na istim ili sličnim poslovima

Opis posla: vrši prikupljanje mjernih podataka sa mjerila na licu mjesta; vrši prenos, obradu i kontrolu očitane potrošnje sa mjerila; učestvuje u aktivnostima vezanim za izgradnju individualnog i zajedničkog mjernog mjesta za korisnike usluge; vrši uviđaj za izgradnju mjernog mjesta, definiše tehnička rješenja i izrađuje projekat; vrši nadzor nad izgradnjom mjernog mjesta, izrađuje zapisnik o puštanju mjerila, evidentira certifikat za serijski broj mjerila; učestvuje u aktivnostima vezanim za ažuriranje baze podataka mjerila na sistemu, pridruženih korisniku usluge i zajedničkom mjernom mjestu i baze certifikata verifikovanih mjerila; učestvuje u aktivnostima vezanim za preuzimanje mjerila novih korisnika na sistemu; učestvuje u aktivnostima vezanim za redovno i vanredno servisiranje mjerila; vrši kontrolu ispravnosti podataka sa mjernih mjesta u bazi mjerila; stručno se usavršava u skladu sa planom edukacije; ima status Izvršioca u zbirci ličnih podataka (Evidencija korisnika centralnog grijanja i ostalih usluga)

Mjesto rada: Sarajevo, Džemala Bijedića do br. 72

Radno vrijeme: 7³⁰ - 16⁰⁰

Osnovna plaća: 1.437,26 KM

Probni rad: 3 mjeseca

8. Referent pravnih poslova

Završena škola: SSS opći smjer

Posebna znanja/uslovi: Znanje MS Office paketa

Radno iskustvo: 1 godina radnog iskustva u struci

Opis posla: ima status izvršioca Evidencije korisnika usluge centralnog grijanja i ostalih usluga, prema privilegijama dobrenim od strane Rukovodioca službe; vrši ažuriranje baze podataka u pogledu statusa sudskih predmeta; sačinjava dopise prema nadležnim institucijama iz domena pravnih poslova; organizuje prijem i predaju pošte sa/na sud; na poziv suda učestvuje u postupku provođenja pljenidbe; sačinjava evidenciju o prioritetima za plaćanje sudskih troškova; trebue takse i taksira sudske predmete; izrađuje naloge za plaćanje sudske takse prema službi finansija; vodi računa o urednom odlaganju sudskih predmeta i dokumenata Odjela; vodi računa o čuvanju i ispravnom arhiviranju dokumentacije Odjela prema važećim procedurama.

Mjesto rada: Sarajevo, Semira Frašte br.22

Radno vrijeme: 7³⁰ - 16⁰⁰

Osnovna plaća: 1.437,26 KM

Probni rad: 3 mjeseca

9. Portir

Završena škola: SSS III ili IV stepen

Radno iskustvo: 1 godina radnog iskustva na istim ili sličnim poslovima

Opis posla: vrši kontrolu ulaska i kretanja stranaka u službenim prostorijama preduzeća; vodi evidenciju o kretanju lica u poslovnim prostorijama i zapažanja tokom smjene; vodi brigu o imovini preduzeća koja se nalazi u zgradi; u slučaju akcidentnih situacija hitno kontaktira nadležne službe/organe u skladu sa Uputstvom za rad na siguran način; vodi dnevnik dežurstva i dnevnih posjeta; vrši kontrolu i nadzor opće ispravnosti elektro i vodovodnih instalacija.

Mjesto rada: Sarajevo, Topal Osman paše br. 22, Prvomajska br. 11 i Gradačacka br. 145

Radno vrijeme: 7³⁰ - 16⁰⁰ ili u smjenama od 6⁰⁰ – 14³⁰ i od 13³⁰ – 22⁰⁰

Osnovna plaća: 1.223,03 KM

Probni rad: 3 mjeseca

10. Monter III

Završena škola: SSS - III ili IV stepen mašinskog smjera

Posebna znanja/uslovi: Važeći atest za autogeno zavarivanje u svim položajima

Radno iskustvo: 1 godina radnog iskustva na istim ili sličnim poslovima

Opis posla: Montaža i održavanje termotehničkih uređaja i instalacija (kotlovska postrojenja sa pratećom opremom, izmjenjivači toplote, zaporne i regulacione armature, distributivna mreža na vrelovodnoj i toplovodnoj strani) a na osnovu dostavljenog radnog naloga i prateće dokumentacije, Radi na pripremi i izvršenju zavarivačkih poslova autogenim zavarivanjem u svim položajima, Montaža i održavanje kućnih instalacija centralnog grijanja, Nakon izvršene intervencije na opremi ili instalacijama uređuje radno mjesto i predaje radove korisniku.

Mjesto rada: Sarajevo, Prvomajska br. 11

Radno vrijeme: 7³⁰ - 16⁰⁰ ili u smjenama od 7³⁰ - 16⁰⁰ i od 13⁰⁰ – 21³⁰

Osnovna plaća: 1.261,98 KM

Probni rad: 3 mjeseca

Potrebna dokumentacija se dostavlja na jednom od službenih jezika u BiH, u originalu ili ovjerenoj kopiji, u zatvorenoj koverti, kako slijedi:

1. Svojeručno potpisanu prijavu na konkurs, sa navedenim kontakt podacima uz kratku biografiju
2. Izvod iz matične evidencije rođenih (u originalu ili ovjerenoj kopiji),
3. Uvjerenje o državljanstvu BiH (čiji datum izdavanja nije stariji od 6 (šest) mjeseci od dana dostavljanja prijave, u originalu ili ovjerenoj kopiji)
4. Potvrdu o mjestu prebivališta CIPS (za ostvarivanje prava na dodatno bodovanje, čiji datum izdavanja nije stariji od 6 (šest) mjeseci od dana dostavljanja prijave, u originalu ili ovjerenoj kopiji)
5. Diplomu, Uvjerenje ili Svjedočanstvo o traženom stručnom obrazovanju (vodeći računa da datum izdavanja dokumenata sa ograničenim rokom trajanja nije stariji od 12 mjeseci od dana dostavljanja prijave, u ovjerenoj kopiji)
6. Potvrdu o radnom iskustvu od poslodavca kod kojeg je kandidat radio, sa tačno naznačenim poslovima i radnim zadacima na kojima je kandidat radio ili Uvjerenje o podacima registrovanim u matičnoj evidenciji nadležnog Zavoda za PIO/MIO sa periodom rada, šifrom i nazivom zanimanja, tako da se na osnovu dokumenata može jasno utvrditi da li je kandidat radio na poslovima za koje se traži radno iskustvo, za sva radna mjesta (u originalu ili ovjerenoj kopiji),
7. Certifikat, Uvjerenje, ili Svjedočanstvo kao dokaz o poznavanju engleskog jezika za radna mjesta pod rednim brojem 1., 2. i 7.
8. Certifikat, Uvjerenje, ili Svjedočanstvo kao dokaz o poznavanju rada na PC-u za radna mjesta pod rednim brojem 1.,2., 3., 4., 5., 6., 7. i 8. (u ovjerenoj kopiji)
9. Certifikat, Uvjerenje, ili Svjedočanstvo kao dokaz o poznavanju rada u AutoCaD-u za radna mjesta pod rednim brojem 2. i 7. (u ovjerenoj kopiji)
10. Ovjerena kopija važeće vozačke dozvole kao dokaz o položenom vozačkom ispitu B kategorije, za radna mjesta pod rednim brojem 2., 3. i 7. (ne starija od 6 (šest) mjeseci od dana dostavljanja prijave)
11. Važeći atest za autogeno zavarivanje u svim položajima za radno mjesto pod rednim brojem 10. (u originalu ili ovjerenoj kopiji),
12. **Pored navedenih dokumenata, kao dokaz o pripadnosti branilačkoj populaciji, kandidati trebaju dostaviti dokumentaciju kojom dokazuju status korisnika, u skladu sa odredbama Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (Sl. Novine KS, broj: 37/20 i 27/21) i Instrukcijom o bližoj primjeni kriterija vrednovanja prema Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (Sl. Novine KS, broj: 38/20,28/21), kako slijedi:**

Rb	Pripadnost boračkoj kategoriji	Naziv dokaza dokumenta	Organ koji ga izdaje
1.	Član porodice šehida/poginulog, umrlog i nestalog branioca	Uvjerenje o statusu djeteta šehida/poginulog, umrlog i nestalog branioca, Rješenje o priznatom pravu na porodičnu invalidninu za suprugu šehidapoginulog, umrlog, nestalog branioca i Uvjerenje o učešću u Oružanim snagama za šehida/poginulog, umrlog i nestalog branioca	Općinska služba za boračko invalidsku zaštitu Grupa za pitanja evidencije iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečnu novčano primanje dobitnika priznanja	Općinska služba za boračko invalidsku zaštitu
4.	Demobilisani branioci	Uvjerenje o učešću u Oružanim snagama	Grupa za pitanja evidencije iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja	Uvjerenje o statusu djeteta vojnog invalida Rješenje o priznatom pravu na: a) Invalidninu, b) mjesečni novčani dobitak, c) Uvjerenje o učešću u Oružanim snagama	a) i b) Općinska služba za boračko invalidsku zaštitu c) Grupa za pitanja evidencije iz oblasti vojne obaveze prema mjestu prebivališta

	c) demobilisanog branioca		
6.	Supruga ratnih vojnih invalida	Uvjerjenje o statusu supruge ratnog vojnog invalida Rješenje o priznatom pravu na invalidninu	Općinska služba za boračko-invalidsku zaštitu

Prednost pri zapošljavanju ostvaruju branioci i članovi njihovih porodica, u skladu sa Zakonom o dopunskim pravima boraca/branitelja BiH (Sl. novine Kantona Sarajevo br. 18/21 novi prečišćeni tekst), Zakonom o pravima demobiliziranih branilaca i članova njihovih porodica (Sl. novine FBiH br. 54/19), Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (Sl. novine KS, broj: 37/20 i 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (Sl. novine KS, broj: 38/20, 28/21).

Da bi kandidat ostvario prioritet pri zapošljavanju, obavezan je dostaviti dokaz da je u evidenciji JU Služba za zapošljavanje Kantona Sarajevo evidentiran kao nezaposlena osoba (Uvjerjenje Službe, ne starije od datuma objavljivanja Javnog oglasa) ili dokaz da je zaposlen na određeno vrijeme (Potvrda izdata od strane Poslodavca, ne starija od datuma objavljivanja Javnog oglasa), ili dokaz da je zaposlen sa nižom stručnom spremom od one koju posjeduje (Potvrda poslodavca sa obaveznom naznakom stepena stručne spremlje/zanimanja s kojim je radnik zasnavao radni odnos kod poslodavca, ne starija od datuma objavljivanja Javnog oglasa).

Pitanja, Listu propisa i literature iz oblasti iz koje će se polagati pismeni i usmeni ispit, utvrdit će poslodavac i objaviti ih na svojoj web stranici www.toplanesarajevo.ba prije raspisivanja javnog oglasa.

Kandidat može kod poslodavca preuzeti pitanja za pismeni ispit i Listu propisa i literature iz oblasti iz koje će se polagati pismeni i usmeni ispit, a koja su prilagođena radnom mjestu koje se oglašava.

Prijavu na konkurs ne mogu podnijeti lica koja su kod navedenog poslodavca otpuštena, u bilo kojem svojstvu, u periodu od najmanje dvije godine od datuma otpuštanja, u skladu sa odredbom člana 45. Zakona o javnim preduzećima u Federaciji BiH.

Kandidat se može prijaviti na više radnih mjesta, ali za svako radno mjesto mora podnijeti posebnu prijavu i navesti na koje radno mjesto se prijavljuje (broj i naziv pozicije).

Komisija za izbor obavještava kandidate o terminu polaganja ispita putem emaila (izuzetno putem pošte, ukoliko kandidat nema email adresu). Poslovnik o radu Komisije će biti dostupan na web adresi preduzeća www.toplanesarajevo.ba.

Izabrani kandidat je dužan dostaviti ljekarsko uvjerenje, do zasnivanja radnog odnosa.

Neuredne, nepotpune i neblagovremene prijave, kao i kopije tražene dokumentacije koje nisu ovjerene, neće se uzeti u razmatranje.

Nakon provedene procedure javnog oglašavanja, dokumentacija se neće vraćati kandidatima.

Obavijest o javnom oglasu će biti objavljena u dnevnom listu Dnevni avaz, a puni tekst javnog oglasa na web stranici Preduzeća www.toplanesarajevo.ba i web stranici JU Službe za zapošljavanje Kantona Sarajevo www.info.szks.ba.

Javni oglas ostaje otvoren 10 dana od dana objavljivanja obavijesti u dnevnom listu.

Za dodatne informacije kontakt telefon: 033 450 030, lokal 113 Sekretar komisije.

Prijavu sa traženim dokumentima kandidati će dostaviti direktno na protokol Preduzeća ili preporučeno putem Pošte, na adresu sjedišta, kako slijedi:

KJKP „Toplane- Sarajevo“ d.o.o. Sarajevo

“PRIJAVA NA JAVNI OGLAS

(sa obaveznom naznakom broja pozicije i nazivom radnog mjesta na koju se kandidat prijavljuje)“

– NE OTVARAJ –

Ul.Semira Frašte br.22

71 000 SARAJEVO

Na poledini koverta obavezno upisati ime i prezime, adresu i kontakt telefon.

